

Na osnovu člana 153. i 154. Zakona o zdravstvenoj zaštiti ("Službene novine Federacije Bosne i Hercegovine", broj: 46/10 i 75/13), člana 13. stav 2. Pravilnika o specijalizacijama i subspecijalizacijama zdravstvenih radnika i zdravstvenih saradnika ("Službene novine Federacije Bosne i Hercegovine", broj: 75/20 i 99/21), a u vezi sa Pravilnikom o kriterijima za prijem subspecijalizanata ("Službene novine Federacije Bosne i Hercegovine", broj: 102/13 i 55/14), Javna zdravstvena ustanova Univerzitetski klinički centar Tuzla objavljuje

INTERNI OGLAS

za izbor kandidata za dodjelu subspecijalizacije

I

Javna zdravstvena ustanova Univerzitetski klinički centar Tuzla vrši izbor kandidata za dodjelu **subspecijalizacije iz Neuropedijatrije za potrebe Klinike za dječije bolesti.....1 subspecijalizacija.**

II

Kandidati treba da ispunjavaju sljedeće uslove:

- da imaju završen medicinski fakultet,
- da imaju položen stručni ispit,
- da imaju najmanje jednu godinu radnog iskustva nakon položenog stručnog ispita,
- da imaju položen specijalistički ispit odgovarajuće osnovne specijalizacije,
- da imaju važeće odobrenje za samostalan rad - licencu izdatu od strane nadležne Komore,
- da poznaju jedan strani jezik.

III

Kandidati koji se prijavljuju na Interni oglas dužni su dostaviti sljedeće dokumente:

- prijavu na Interni oglas,
- biografiju sa adresom i kontakt telefonom,
- diplomu o završenom medicinskom fakultetu,
- uvjerenje o položenom stručnom ispitu,
- uvjerenje o radnom iskustvu nakon položenog stručnog ispita,
- uvjerenje o položenom specijalističkom ispitu,
- odobrenje za samostalan rad – licencu,
- dokaz o poznavanju jednog stranog jezika.

Radi utvrđivanja redoslijeda kandidata u skladu sa Pravilnikom o kriterijima za prijem subspecijalizanata, kandidati uz prijavu trebaju dostaviti i sljedeće dokumente:

- prepis položenih ispita na studiju,
- potvrdu u dužini trajanja studija (dostaviti dokaz ako je dužina studija iz opravdanih razloga produžena),
- potvrdu o prosjeku ocjena tokom studija,
- nagrade za vrijeme studija (nagrada rektora Univerziteta, nagrada dekana medicinskog fakulteta),
- popis objavljenih radova,
- dokaz o poznavanju drugog ili trećeg stranog jezika,
- potvrdu o radnom stažu u svojstvu specijaliste,
- radnu knjižicu ili potvrdu o radnom iskustvu.

Kandidati u prijavi obavezno moraju naznačiti naziv subspecijalizacije na koju se prijavljuju.

Sva dokumentacija koju kandidati dostavljaju uz prijavu mora biti u originalu ili ovjerenoj fotokopiji.

IV

Komisija za izbor subspecijalizanta će bodovati i obaviti razgovor sa kandidatima koji su blagovremeno podnijeli potpunu dokumentaciju.

O terminu razgovora kandidati će biti obaviješteni pisanim putem.

V

Prijave sa traženim dokazima dostavljaju se u zatvorenoj koverti na adresu:

**Javna zdravstvena ustanova Univerzitetski klinički centar Tuzla
Sektor za pravne poslove i ljudske resurse
Ulica Trnovac bb
75000 Tuzla
sa naznakom**

**"Prijava na Interni oglas za izbor kandidata za dodjelu subspecijalizacije iz Neuropedijatrije- Ne
otvaraj".**

Interni oglas ostaje otvoren 15 (petnaest) dana od dana objavljivanja.
Neblagovremene i nepotpune prijave neće se uzeti u razmatranje.

Ovaj Interni oglas je objavljen na web stranici Ustanove, te na oglasnim pločama Ustanove i organizacionih jedinica, dana 07.09.2026. godine.